

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, br. 12/03, 34/03 i 65/13), Odluke o raspisivanju Javnog poziva za izbor i imenovanje predsjednika i članova Upravnih odbora Fondacije za kinematografiju broj: 03-02-6004/23 od 26. 12. 2023. godine, a u skladu s Odlukom o utvrđivanju kriterija za imenovanje Upravnog odbora Fondacije za kinematografiju („Službene novine Federacije BiH“, broj: 99/23), ministrica Federalnog ministarstva kulture i sporta objavljuje

JAVNI OGLAS ZA IMENOVANJE NA POZICIJE PREDSJEDNIKA I ČLANOVA UPRAVNOG ODBORA FONDACIJE ZA KINEMATOGRAFIJU

I Objavljuje se Javni oglas za izbor i imenovanje predsjednika i članova Upravnog odbora Fondacije za kinematografiju

II OPIS POZICIJE

Upravni odbor vrši sljedeće poslove:

- ostvaruje ciljeve Fondacije utvrđene Statutom Fondacije
- donosi planove poslovanja Fondacije,
- vrši izmjene i dopune općih akata Fondacije,
- daje saglasnost za pravne radnje preuzete u ime Fondacije, prije njenog upisa u registar,
- imenuje lice ovlašteno za zastupanje i predstavljanje Fondacije
- odlučuje o angažiranju stručnih lica u Fondaciji
- odlučuje o pravima, obavezama i odgovornostima iz radnog odnosa za zaposlena stručna lica u Fondaciji
- utvrđuje poslovnu politiku i strategiju Fondacije
- upravlja imovinom Fondacije i odlučuje o raspodjeli i upotrebi sredstava
- donosi pravilnik o procedurama i kriterijima za izbor korisnika sredstava Fondacije
- donosi godišnji obračun prihoda, te priprema finansijske i druge izvještaje,
- imenuje osobu koja će zastupati Fondaciju u slučaju kada je za to spriječen predsjednik Upravnog odbora
- odlučuje o pripajanju, razdvajanju, transformaciji ili prestanku rada Fondacije,
- donosi Poslovnik o radu Upravnog odbora
- donosi Pravilnik o naknadama za rad na poslovima Fondacije
- priprema sve akte ukoliko zakonom i Statutom Fondacije nije drugačije određeno,
- stara se o izvršavanju odluka i zaključaka koje je donio,
- vrši druge poslove u skladu sa Zakonom i Statutom Fondacije

III MANDAT

Upravni odbor Fondacije imenuje Vlada Federacije BiH, na prijedlog federalne ministrice kulture i sporta.

Upravni odbor sastoji se od predsjednika i dva člana.

Mandat predsjednika i članova Upravnog odbora Fondacije traje četiri godine, s tim što nakon isteka mandata mogu biti još jedanput imenovani.

Predsjednik i članovi Upravnog odbora, za svoj rad u Upravnom odboru Fondacije, primaju naknadu u skladu s Pravilnikom o naknadama za rad na poslovima Fondacije.

IV USLOVI

Kandidati za imenovanje na poziciju predsjednika i članova Upravnog odbora moraju ispunjavati sljedeće uslove:

a) opći uslovi

1. da su stariji od 18 godina,
2. da nisu otpušteni iz državne službe zbog disciplinske mjere na bilo kojem nivou u Bosni i Hercegovini u razdoblju od tri godine prije objavljivanja oglasa,
3. da se na njih ne odnosi član IX. 1. Ustava Bosne i Hercegovine,

b) posebni uslovi

1. da su državljani Bosne i Hercegovine,
2. da imaju diplomu VII. stepena predbolonjskog sistema studiranja ili bolonjskog sistema studiranja koja se vrednuje s najmanje 240 ECTS bodova,
3. da nisu članovi organa zakonodavne, izvršne ili sudske vlasti ili savjetnici u smislu Zakona o sukobu interesa u organima vlasti Federacije Bosne i Hercegovine („Službene novine Federacije BiH“, br. 70/08),
4. da nisu na funkciji u političkoj stranci,
5. da nemaju privatni finansijski interes u instituciji u kojoj se kandidiraju,
6. da imaju najmanje 7 (sedam) godina radnog iskustva na poslovima visoke stručne spreme, koja se vrednuje s najmanje 240 ECTS bodova, po sticanju fakultetske diplome,
7. da su priznati i afirmisani stručnjaci u oblasti kulture i da posjeduju stručno iskustvo u oblasti filmskog stvaralaštva i filmske djelatnosti (iznimka su kandidati pravne struke),
8. da su upućeni u sadržaj i način rada organa upravljanja Fondacije,
9. da nisu profesionalno zaposleni u Fondaciji za kinematografiju i J.P. „Filmski Centar Sarajevo“,
10. da nisu članovi drugih organa u Fondaciji za kinematografiju i J.P. „Filmski Centar Sarajevo“ (da u dosadašnjem periodu nisu bili dva puta izabrani u Upravni odbor Fondacije),
11. da nisu zaposleni u Federalnom ministarstvu kulture i sporta,
12. da u posljednjih 5 (pet) godina nisu učestvovali ni u jednom tijelu u vezi s radom Fondacije,
13. da nisu članovi ili predsjednici bilo kojeg udruženja čiji članovi mogu biti potencijalni kandidati za konkurse koje raspisuje Fondacija.

V POTREBNI DOKUMENTI

Prijava kandidata treba da sadrži kraću biografiju, adresu i kontakt telefon.

Dokumenti koji se prilažu uz prijavu na oglas moraju biti originali ili ovjerene kopije:

- uvjerenje o državljanstvu (original ili ovjerena kopija ne starije od tri mjeseca od datuma objave Javnog oglasa);
- diploma o završenom VII. stepenu predbolonjskog sistema studiranja ili bolonjskog sistema studiranja koja se vrednuje s najmanje 240 ECTS bodova, (ovjerena kopija);
- izvod iz matične knjige rođenih (original ili ovjerena kopija);
- potpisane izjave ovjerene u opštinskom organu o ispunjavanju uslova iz tačke IV a) podtačka: 2,3 i tačke IV b) podtačka: 3, 4, 5, 8, 9, 10, 11, 12, 13. (ne starije od tri mjeseca od datuma objave Javnog oglasa);
- potvrda od poslodavca o najmanje 7 (sedam) godina radnog iskustva na poslovima visoke stručne spreme, koja se vrednuje s najmanje 240 ECTS bodova, po sticanju fakultetske diplome;
- preporuke izdate od institucija, javnih ustanova ili strukovnih udruženja i fondacija, iz kojih je jasno vidljivo da se radi o afirmisanom stručnjaku u oblasti kulture i da posjeduje stručno iskustvo u oblasti filmskog stvaralaštva i filmske djelatnosti, navedeno ne vrijedi za kandidate pravne struke (original ne stariji od tri mjeseca od datuma objave Javnog oglasa).

Prijave kandidata s kojima se ne uspije stupiti u kontakt u roku od osam dana od dana isteka roka za podnošenje prijava, neće biti razmatrane u nastavku procesa imenovanja.

VI OSTALE NAPOMENE

Kandidati koji budu uvršteni u uži izbor bit će pozvani na intervju u Federalno ministarstvo kulture i sporta.

Oglas će biti objavljen u „Službenim novinama Federacije BiH“, te u dnevnim novinama „Dnevni avaz“ i „Večernji list“.

Neblagovremene i nepotpune prijave neće se razmatrati.

Oglas za podnošenje prijava ostaje otvoren 14 dana od dana posljednjeg objavljivanja.

Prijave sa traženim dokumentima treba dostaviti poštom na adresu:

**Federalno ministarstvo kulture i sporta- Federalno ministarstvo kulture i športa
-Povjerenstvo za izbor predsjednika i članova Upravnog odbora Fondacije za
kinematografiju**

**Obala Maka Dizdara broj 2
71000 Sarajevo**

sa naznakom:

„PRIJAVA NA OGLAS - NE OTVARATI“